

Sarajevo,

Broj: 01-04-4-4847-3

21-04-2025



KLINIČKI
CENTAR
UNIVERZITETA
SARAJEVO

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24), člana 48. Statuta KCUS-a (Sl.novine FBiH br. 73/13), član 24. stav 1. Pravilnika o javnim nabavkama Kliničkog centra Univerziteta u Sarajevu (65-04-2-4654 od 01.02.2023. godine) na prijedlog Komisije za javne nabavke Izvještaj br. 73-04-4-4847-3 od 10.04.2025. godine, V.D. Generalna direktorica donosi:

ODLUKU

o izboru najpovoljnijeg ponuđača

za nabavku rezervnih dijelova/usluga servisa za preventivno i interventno servisiranje aparata/sistema proizvođača RADIOMETER i CARE FUSION lociranih na klinikama KCUS-a

I

Prihvata se prijedlog Komisije za javne nabavke rezervnih dijelova/usluga servisa za preventivno i interventno servisiranje aparata/sistema proizvođača RADIOMETER i CARE FUSION lociranih na klinikama KCUS-a, prema Izvještaju br. 73-04-4-4847-3 od 10.04.2025. godine i okvirni sporazum za sukcesivnu nabavku prema stvarnim potrebama ugovornog organa u toku 12 mjeseci se dodjeljuje dobavljaču NEW TECHNOLOGY d.o.o. Sarajevo, pod uslovima dogovorenim/usaglašenim u toku pregovaračkog postupka sa objavom obavještenja br. 893-3-1-490-3-882/24 od 02.12.2025. godine i po konačnoj ponudi br. 10-11-3-8997 od 10.03.2025. godine), kako slijedi:

- Cijena norma sata rada servisera za servisiranje opreme iznosi: 85,00 KM bez PDV-a za vrijeme trajanja okvirnog sporazuma;
- Cjenovnik/specifikacije/lista rezervnih dijelova/pribora/potrošnog materijala/ za preventivno i interventno održavanje po tipu aparata sa ponuđenim jediničnim cijenama čini sastavni dio okvirnog sporazuma
- Cjenovnik usluga preventivnog servisiranja po grupama uređaja čini sastavni dio okvirnog sporazuma
- Odziv servisera na intervenciju je 48 sati, a u slučaju hitnosti odmah
- Uslovi plaćanja za rezervne dijelove i servisne usluge su u roku 60 dana od dana isporuke, ugradnje rezervnog dijela/pribora/materijala i/ili servisne usluge te ispostavljanja fakture
- Rok isporuke rezervnih dijelova: 7 dana od dana zaključivanja pojedinačnog ugovora i izdavanja narudžbenice
- Garancija na rezervne dijelove je 6 (šest) mjeseci od dana ugradnje
- Ponuđač se obavezuje da će ugrađivati samo originalne rezervne dijelove;
- Isporuka rezervnih dijelova će se vršiti sukcesivno prema potrebama ugovornog organa u periodu od 12 mjeseci ili do utroška sredstava, koliko traje okvirni sporazum.

Ukupna vrijednost okvirnog sporazuma u trajanju 12 mjeseci iznosi maksimalno 20.000,00 KM bez PDV-a.

Sve cijene su izražene u KM bez PDV-a podrazumijevaju isporuku krajnjem korisniku putem skladišta ugovornog organa/usluge servisa, a po zahtjevu krajnjeg korisnika (KCUS-a) i nepromjenjive su za cijeli ugovoreni period.

II

Izabrani ponuđač **NEW TECHNOLOGY d.o.o. Sarajevo** je u sklopu svoje ponude u I fazi postupka (pretkvalifikacije) dostavio dokaze tražene tačkom A. a) tenderske dokumentacije kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH“, broj 39/14, 59/22 i 50/24), te iste nije u obavezi ponovno dostavljati.

III

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđaču učesniku u postupku javne nabavke.

[Handwritten signature]

OBRAZLOŽENJE

Na osnovu Odluke br. 58-04-4-39877-2 od 27.11.2024. godine, KCUS je pokrenuo postupak javne nabavke rezervnih dijelova/usluga servisa za preventivno i interventno servisiranje aparata/sistema proizvođača RADIOMETER i CARE FUSION lociranih na klinikama KCUS-a, putem pregovaračkog postupka sa objavom obavještenja u skladu sa članom 20. b) ZJN BiH (Sl. Glasnik 39/14, 59/22 i 50/24). Predviđeno je zaključivanje okvirnog sporazuma na iznos procijenjene vrijednosti nabavke za period 12 mjeseci sa jednim dobavljačem i sukcesivna isporuka/ izvršenje usluga servisa prema stvarnim potrebama KCUS-a.

Nabavka je planirana Planom javnih nabavki za 2024. god. pod kategorijom „robe“ redni br. 124. (Odluka o usvajanju Plana javnih nabavki Kliničkog centra Univerziteta u Sarajevu za 2024 godinu, broj: 58/24 br. protokola 65-04-4-3780 od 30.01.2024. godine).

Uslovi plaćanja predviđeni za postupak nabavke su u roku 60 dana od dana izvršenja ugovorenih obaveza od strane dobavljača i ispostavljanja fakture (na osnovu dopisa Sektora za finansijske, knjigovodstvene i planske poslove br. 56-11-3-6066 /24).

Poziv za pregovarački postupak sa objavom obavještenja za I fazu (pretkvalifikacije) objavljen je na portalu e-nabavke pod brojem 893-3-1-490-3-882/24 od 02.12.2024. godine i isti su preuzela 3 (tri) potencijalna ponuđača: NEW TECHNOLOGY d.o.o. Sarajevo, EKAPIJA d.o.o i BBS EUROPE.

Do krajnjeg roka određenog za prijem ponuda 19.12.2024. godine do 11:00 sati, dostavljena je jedna (1) ponuda ponuđača NEW TECHNOLOGY d.o.o. Sarajevo (br. 10-11-3-45202 od 19.12.2024. godine).

Komisija imenovana Odlukom broj: 01-04-4-44808 od 17.12.2024. godine pristupila je provjeri dokumentacije dostavljene uz ponudu za I fazu (pretkvalifikacije) i konstatovala da je dostavljena ponuda formalno pravno i tehnički ispravna i da se uzima u dalje razmatranje.

Nadalje, na osnovu Prijedloga Komisije i zapisnika za I fazu (pretkvalifikacija) br. 73-33-4-46517 od 27.12.2024. godine Ugovorni organ je sačinio Odluku o rezultatima pretkvalifikacije u pregovaračkom postupku javne nabavke sa obavještenjem o nabavci broj Odluke 73-33-4-46517-1 od 27.12.2024. godine, te su u sistem e-nabavke unešeni podaci da ponuđač NEW TECHNOLOGY d.o.o. Sarajevo ispunjava uslove pretkvalifikacija i u skladu sa navedenim dana 08.01.2025. godine objavljen je poziv ponuđaču NEW TECHNOLOGY d.o.o. Sarajevo za dostavljanje ponude za II fazu pregovaranja (Inicijalna ponuda). U skladu sa Pozivom za dostavljanje inicijalne ponude ponuđač NEW TECHNOLOGY d.o.o. Sarajevo je na glavni Protokol KCUS-a dostavio ponudu br. 10-11-3-8997 od 10.03.2025. godine. Komisija je konstatovala da su dostavljeni svi elementi ponude u skladu sa pozivom i da se može pristupiti pregovaranju.

Na osnovu usaglašenih stavova kroz sistem e-nabavke upućen je poziv za dostavljanje Konačne ponude br. 73-04-4-4847-2 sa rokom dostave ponude do 09:30 sati dana 11.03.2025. godine. Ponuđač je u datom vremenskom roku na glavni Protokol KCUS-a dostavio konačnu ponudu koja je protokolisana pod brojem 10-11-3-8997 od 10.03.2025. godine).

Izvjestajem br. 73-04-4-4847-3 od 10.04.2025. godine Komisija predlaže da se okvirni sporazum za nabavku rezervnih dijelova/usluga servisa za preventivno i interventno servisiranje aparata/sistema proizvođača RADIOMETER i CARE FUSION lociranih na klinikama KCUS-a, dodijeli ponuđaču NEW TECHNOLOGY d.o.o. Sarajevo pod uslovima dogovorenim/usaglašenim u toku pregovaračkog postupka i po konačnoj ponudi koja je sastavni dio okvirnog sporazuma.

Uzimajući u obzir naprijed navedeno, donosi se odluka kao u dispozitivu.

V.D. GENERALNA DIREKTORICA

Prof.dr Hajrija Maksić



POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:
- Ponuđaču;
- Tehničkom sektoru
- a/a